

**TEZAU LITURGIC**  
**10 OCTOMBRIE**

**ACATISTUL**  
**SF. IERARH**  
**INOCHENTIE**  
**SMIRNOV,**  
**EPISCOPUL**  
**PENZENULUI**  
**ȘI SARATOVULUI**



**MOSCOVA, 2000**



# **Акафист святителю Иннокентию, епископу Пензенскому и Саратовскому**

## **Кондак 1**

Избра́нный уго́днице Христо́в и дивный  
благоче́стия подви́жнице, святи́телю о́тче  
Иннокéнтие, восхваля́ем тя́ я́ко Правосла́вия  
побо́рника и па́губных обы́чаев искорени́теля.  
Ты́ же, имéяй дерзнове́ние ко Го́споду,  
дарова́вшему нам тя́ вели́каго моли́твенника и  
ско́раго в беда́х помо́щника, моли́ о па́стве  
твое́й, зову́щей: Ра́дуйся, святи́телю о́тче  
Иннокéнтие, те́плый моли́твенниче о душа́х  
на́ших.

## **Икос 1**

А́нгельским смире́нием украси́в жити́е твоё,  
святи́телю о́тче Иннокéнтие, от ю́ности  
Божéственную Прему́дрость возлюби́л еси́,  
Ду́хом Святы́м освящён, луча́ми Христо́ва  
уче́ния всех просвеща́я; сего́ ра́ди тебе́, на

Небесі и на землі просла́вленному, во умилѣнии  
вопи́ем сѣце:

Ра́дуйся, смире́нием на го́ру добродѣтелей  
возведе́нный;

ра́дуйся, ко А́нгельским ликам на Небесі  
причте́нный.

Ра́дуйся, Це́ркве Правосла́вныя па́стырю  
предо́брый;

ра́дуйся, па́стве сво́ей от волко́в губи́тельных  
защи́тнице неустраши́мый.

Ра́дуйся, целому́дрия ревни́телю изы́щный;

ра́дуйся, о́бразе крото́сти драгоце́нный.

Ра́дуйся, Правосла́вия пропове́днице  
неуста́нный;

ра́дуйся, архиере́ю Бо́жий свы́ше  
просла́вленный.

Ра́дуйся, я́ко зрѣнием ра́ки моще́й твои́х нас  
утеша́еши;

ра́дуйся, я́ко исто́чник исцелѣ́ний оби́льно нам  
излива́еши.

Ра́дуйся, па́ству пе́нзенскую добродѣ́ланию  
науча́й;

ра́дуйся, зе́млю Сара́товскую в ве́ре  
утвержда́й.

Ра́дуйся, святи́телю о́тче Иннокéнтие, те́плый  
моли́твенниче о душа́х на́ших.

### **Кондак 2**

Ви́дев, святи́телю о́тче Иннокéнтие, я́ко ве́ра  
правосла́вная во О́течестве на́шем попира́ется  
от лжеучи́телей иносла́вных, потща́лся еси́  
вседу́шно Христу́ послужи́ти и ве́ру и́стинную от  
ересе́й огради́ти, па́ству же от волко́в,  
расхища́ющих ю, за́щити́ти. Мы же, дивя́щися  
таково́му тво́ему дерзнове́нию, вопи́ем  
укре́плъшему тя Го́споду: Аллилу́иа.

### **Икос 2**

Ра́зум богопросвещéнный имéя, измла́да  
Христу́ послужи́л еси́, вре́менная сла́сти во  
уме́ты вменяя, того́ ра́ди благода́тию  
архиере́йства увенча́ тя Госпо́дь. Мы же  
подви́жническое изволе́ние твоё воспева́юще,  
вопи́ем ти си́це:

Ра́дуйся, путь пра́вый избра́вый;  
ра́дуйся, сим неотсту́пно ше́дый.  
Ра́дуйся, вся кра́сная ми́ра презре́вый;  
ра́дуйся, ду́шу свою́ добродéтельми  
укра́сивый.

Ра́дуйся, се́рдце своё Христу́ отве́рсто имéвый;

ра́дуйся, страсте́м вхо́ды егó затвори́вый.

Ра́дуйся, послуша́ния вся́ ино́ческая  
неле́нотно проше́дый;

ра́дуйся, со стра́хом Бо́жиим Жёртву  
Безкро́вную приноси́вый.

Ра́дуйся, мона́хом пра́вило изя́щнейшее;

ра́дуйся, священником о́бразе  
благоговейнейший.

Ра́дуйся, всем подви́зающимся до́брый  
наста́вниче;

ра́дуйся, тружда́ющимся спасе́ния ра́ди  
ско́рый помо́щниче.

Ра́дуйся, святите́лю о́тче Иннокенти́е, тёплый  
моли́твенниче о душа́х на́ших.

### **Кондак 3**

Си́лою свы́ше облече́ тя Госпо́дь, ты же,  
святите́лю о́тче Иннокенти́е, взем крест свой,  
невозврати́то Ему́ последи́вал еси́, и уве́дев, я́ко  
и́го Христо́во бла́го и бре́мя Егó легко́ есть,  
воспе́л еси́ Милосе́рдному Бо́гу: Аллилу́иа.

### **Икос 3**

Име́я на скрижа́лех се́рдца твоегó слова́  
Божество́ннаго Па́вла, и́стинный о́браз ве́рным

явѣлся еси, и нас вослѣд Хри́ста шѣствовать  
научи́, вопи́ющих ти таковы́я:

Ра́дуйся, Хри́стов учени́чѣ и́стинный.

ра́дуйся, во благовѣ́стии апо́столом подо́бный;

Ра́дуйся, я́ко чистото́ю а́нгельскою обле́кся  
еси́;

ра́дуйся, я́ко отце́м дре́вним во уче́нии  
подража́л еси́.

Ра́дуйся, да́ром прозре́ния почтѣ́нный;

ра́дуйся, испове́дниче неустраши́мый.

Ра́дуйся, я́ко в по́двизех своѣ́х вели́ким  
преподо́бным ра́вен был еси́;

ра́дуйся, я́ко непреста́нно ко Го́споду моли́твы  
возноси́л еси́.

Ра́дуйся, ми́лостыню твори́ти николи́же  
оста́вивый;

ра́дуйся, па́мять сме́ртную на вся́кий час  
жити́я свое́го име́вый.

Ра́дуйся, благоле́пия хра́мов Бо́жиих  
ревни́телю;

ра́дуйся, я́ко сам храм Го́споду явѣ́лся еси́.

Ра́дуйся, святи́телю о́тче Иннокѣ́нтие, те́плый  
моли́твенниче о душа́х на́ших.

### Кондак 4

Вели́кому святите́лю Ростóвскому Димит́рию не то́кмо ли́ком подо́бен был еси́, но жити́ем и де́лы свои́ми сему́ уподо́бился еси́, просвеща́я мало́вѣрных, вѣрных же укрепля́я, нас же всех науча́я вопи́ти Милосѣ́рдному Бо́гу: Аллилу́иа.

### Икос 4

«Се Жени́х грядёт в полу́нощи», — та́ко воспѣ́л еси́, блаже́нне, благода́ть архиере́йства приѣ́м, не ра́бе, но дру́же Христо́в Иннокѣ́нтие, и Го́спода срѣ́тил еси́ душе́ю, любóвию горя́щею, и нас в любви́ Божѣ́ственной укрепі́, зову́щих ти такова́я:

Ра́дуйся, я́ко Си́ла Бо́жия соверши́ся в не́мощем телеси́ твоём;

ра́дуйся, я́ко вси неду́зи со смире́нием претерпе́л еси́.

Ра́дуйся, клеветы́ и осужде́ния я́ко младе́нец незло́бивый прия́л еси́;

ра́дуйся, я́ко во обли́ченіи нече́стия на лица́ не взира́л еси́.

Ра́дуйся, ни́щих и си́рых пита́телю изоби́льный;



ра́дуйся, оби́женных за́щитниче  
дерзнове́нный.

Ра́дуйся, оби́дящих многому́дренное  
обличе́ние;

ра́дуйся, учи́телю, па́ству, ти вве́ренную, ко  
спасе́нию наставля́й.

Ра́дуйся, уны́ние си́лою упова́ния на  
милосе́рдие Бо́жие победи́вый;

ра́дуйся, с кро́тостью и смире́нием и от  
про́стых поуче́ния приима́вый.

Ра́дуйся, вся́ ко́зни вра́жия си́лою Бо́жиею  
попра́вый;

ра́дуйся, Бо́гу сла́вно угоди́вый.

Ра́дуйся, святи́телю о́тче Иннокенти́е, те́плый  
моли́твенниче о душа́х на́ших.

### **Кондак 5**

«Возвели́чите Господа со мно́ю и вознесём И́мя  
Его́ вку́пе», — та́ко па́ству Сара́товскую в  
про́поведи призыва́л еси́, ны́не же мы с тобо́ю  
вку́пе вопие́м Жизнода́вцу Бо́гу: Аллилу́иа.

### **Икос 5**

Непреста́нно в ке́лии ко́лена преклоня́я,  
«Бо́же, ми́лостив бу́ди мне́ гре́шному», взыва́л

еси́, и нам ми́лостива сотвори́ Влады́ку Небесе́ и  
земли́, тебе́ вопи́ющим такова́я:

Ра́дуйся, и́мя Господне́ я́ко ору́жие проти́ву  
ко́зней диа́вольских име́вый;

ра́дуйся, си́лу Бо́жию в немо́щнем телеси́  
стяжа́вый.

Ра́дуйся, си́лою моли́тв твои́х вся́ наве́ты  
вра́жия разруши́вый;

ра́дуйся, благоче́стия сто́лпе, на ка́мени  
спаси́тельныя ве́ры возведе́нный.

Ра́дуйся, по́двигом до́брым чад свои́х  
терпели́вно научи́вый;

ра́дуйся, всего́ себе́ в ру́це Бо́жии преда́вый.

Ра́дуйся, все́ желáние ко Христу́ име́вый;

ра́дуйся, в Бо́же на́шем наме́рение свое́  
полага́вый.

Ра́дуйся, я́ко Христу́ сораспя́лся еси́;

ра́дуйся, я́ко сла́дость лице́м к лицу́ зрѣ́ния Его́  
ны́не вкуша́еши.

Ра́дуйся, ходáтаю наш неусы́пный;

ра́дуйся, свети́льниче ве́ры неугаси́мый.

Ра́дуйся, святи́телю о́тче Иннокѣ́нтие, тёплый  
моли́твенниче о душа́х на́ших.

## Кондак 6

Дивным видѣніемъ укрѣпи́ ты Господь при кончи́не земна́го житія́ твоего́: а́нгели Бо́жии при́яша ты́ с собо́ю и в Небе́сныя оби́тели вознесо́ша, иде́же ты по́еши ны́не Бо́гу: Аллилу́иа.

## Икос 6

Во свѣ́тлыя о́ныя оби́тели Бо́жия пресели́лся еси́, пречу́дне о́тче, словесѣмъ псалмопѣ́вца что́мымъ «Азъ же, Го́споди, упова́ю на Тя». И нас во упова́нии семъ свѣ́тломъ укрѣпи́, пою́щихъ ти такова́я:

Ра́дуйся, а́нгелами на Не́бо вознесѣ́нный;  
ра́дуйся, Небе́сныя ра́дости ещѣ́ на земли́ вкуси́вый.

Ра́дуйся, я́ко тебѣ́ Небеса́ отверзо́шася;  
ра́дуйся, я́ко Господь в Небе́сныя оби́тели всели́ тя.

Ра́дуйся, до кончи́ны житія́ твоего́ о па́стве твое́й попече́ние имѣ́вый;

ра́дуйся, я́ко немо́щи телѣ́сныя чадолю́бие твоѣ́ не ума́лиша.

Ра́дуйся, я́ко Ду́хом Святы́мъ восходя́ от си́лы в си́лу, Небе́снаго Ца́рствія́ дости́гл еси́;

ра́дуйся, я́ко та́мо ны́не со святы́ми  
ликовству́еши.

Ра́дуйся, я́ко и нас грѣшных на земли́ не  
оставля́еши;

ра́дуйся, я́ко ду́хом нам спребыва́еши.

Ра́дуйся, моли́твами свои́ми нам помога́й;

ра́дуйся, я́ко любви́ твоя́ ника́коже оскуде́ на  
нас.

Ра́дуйся, святите́лю о́тче Иннокенти́е, тёплый  
моли́твенниче о душа́х на́ших.

### **Кондак 7**

Хотя́ просвети́ти всех ве́дением неизрече́нных  
суде́б Бо́жиих, дивный списа́тель дел мину́вших  
был еси́, в нихже премудрый Промысл  
Созда́теля, вся племена́ и язы́ки ко спасе́нию  
веду́щий, всем указа́л еси́. Темже и мы Ще́дрому  
Бо́гу покланя́емся и вопи́ем: Аллилу́иа.

### **Икос 7**

Но́ваго тя чудотво́рца и моли́твенника дарова́  
нам Человеколю́бец Госпо́дь, егда́ за умноже́ние  
беззако́ния оскуде́ во мно́гих любви́. Сего́ ра́ди  
твоего́ е́же о нас предста́тельства про́сим, на  
всепокрыва́ющую любовь твою́ наде́ющиеся: не

оста́ви нас в го́ди́ну лю́тых испыта́ний, укрепля́я  
моли́твами тво́ими вопи́ющих ти такова́я:

Ра́дуйся, я́ко моли́твами тво́ими зе́млю на́шу  
облагоуха́л еси́;

ра́дуйся, я́ко по́двиги тво́ими край наш  
освяти́л еси́.

Ра́дуйся, о па́стве тво́ей предста́телю  
неусы́пный;

ра́дуйся, помо́щниче наш во вся́ких беда́х и  
напа́stech.

Ра́дуйся, списа́телю суде́б Бо́жиих пречу́дный;  
ра́дуйся, те́ми вся ны наста́вивый.

Ра́дуйся, пропове́дниче велегла́сный;

ра́дуйся, де́лателью вертогра́да Христо́ва  
прему́дрый.

Ра́дуйся, ве́рный и благи́й во́ине Царя́  
Небе́снаго;

ра́дуйся, цевни́це духо́вная, Ду́ха Свята́го  
испо́лненная.

Ра́дуйся, архиере́ев богодохнове́нное  
украше́ние;

ра́дуйся, благоче́стия тве́рдое огражде́ние.

Ра́дуйся, святите́лю о́тче Иннокенти́е, те́плый  
моли́твенниче о душа́х на́ших.

## Кондак 8

Странное и преславное чѹдо яви́ся всемъ, егда́ честны́я и многоцелѣбныя мо́щи твоя́, аще и от безбо́жныхъ пору́гани бы́ша, обрето́шася па́ки. К симъ у́бо припада́юще, Бо́гу вопи́емъ: Аллилу́иа.

## Икос 8

Весь еси́ в вы́шнихъ, но и насъ, до́лу пове́рженныхъ, не оставля́еши, святите́лю о́тче Иннокѣ́нтіе, моле́ния на́ша слы́шиши и ско́ро исполня́еши. Неотсту́пен у́бо пребу́ди от насъ, вопи́ющимъ ти такова́я:

Ра́дуйся, я́ко все́хъ прибега́ющихъ к тебѣ́ заступа́еши;

ра́дуйся, я́ко врачевáния намъ источáеши.

Ра́дуйся, я́ко моле́ниемъ на́шимъ внима́еши;

ра́дуйся, я́ко во благо́ ихъ исполня́еши.

Ра́дуйся, я́ко чудесы́ твоими́ ве́рныя возвеселя́еши;

ра́дуйся, я́ко мощейъ твои́хъ бе́си трепещу́т.

Ра́дуйся, я́ко насъ, грехми́ омраче́нныхъ, просвеща́еши;

ра́дуйся, я́ко смрадъ страсте́й на́шихъ отгоня́еши.

Ра́дуйся, я́ко тала́нт, Бо́гом да́нный тебе́,  
умно́жил еси́;

ра́дуйся, я́ко в ра́дость Го́спода твоего́ вшел  
еси́.

Ра́дуйся, я́ко нас пред Престо́лом Бо́жиим  
непреста́нно помина́еши;

ра́дуйся, я́ко в жити́й сем нас не оставля́еши.

Ра́дуйся, святи́телю о́тче Иннокенти́е, те́плый  
моли́твенниче о душа́х на́ших.

### **Кондак 9**

Вси правосла́внии лю́дие возра́довашася, егда́  
на Собо́ре святи́тельством в лице́ святы́х Це́рковь  
Правосла́вная просла́ви тя. Мы же, иму́ще  
такова́го моли́твенника, вопи́ем  
возвели́чившему́ тя Бо́гу: Аллилу́иа.

### **Икос 9**

Ветии́ суемудре́ннии, тобо́ю посра́мленнии,  
недоуме́ют, что́ глаго́лати, си́лою бо Бо́жиею  
укрепля́емь, сих дерзнове́нно обли́чил еси́. Мы  
же, взира́юще на пра́ведное жити́е твоё́ и на  
твёрдое́ ве́ры правосла́вныя испове́дание,  
вопи́ем ти така́я:

Ра́дуйся, Христо́м Бо́гом возлю́бленный;

ра́дуйся, си́лою свы́ше облече́нный.

Ра́дуйся, нау́чение кни́жное возлю́бый;  
ра́дуйся, к то́му усер́дие имéвый.

Ра́дуйся, ра́зум Боже́ственный стяжа́вый;  
ра́дуйся, я́ко Сло́во Бо́жие умудри́ тя.

Ра́дуйся, преда́ний апо́стольских ве́рный  
блюсти́телю;

ра́дуйся, пра́вды Бо́жия ре́вностный  
храни́телю.

Ра́дуйся, просвеще́нный благода́тию;  
ра́дуйся, учи́телю златослове́сный.

Ра́дуйся, изгна́нный пра́вды ра́ди Христо́вы;  
ра́дуйся, таковых бо есть Ца́рствие Небе́сное.

Ра́дуйся, святи́телю о́тче Иннокéнтие, те́плый  
моли́твенниче о душа́х на́ших.

### **Кондак 10**

Спасти́ хотя́ па́ству твою́ от ересей и  
собла́знов, скве́рная учéния беззакóнных  
обличи́ еси́, пресла́вне о́тче Иннокéнтие,  
Правосла́вие же крóтостию премуд́рых словéс  
твои́х утверди́л еси́ и научи́л еси́ ста́до твоё  
воспева́ти Бо́гу: Аллилу́иа.

### **Икос 10**

Стена́ твёрдая и ограда́ необори́мая бысть  
си́ла моли́тв твои́х, богоно́се о́тче Иннокéнтие,



сего́ ра́ди и мы, па́ства твоя́, к тебѣ́ с ве́рою прибега́ем и усѣ́рдно мо́лим: бу́ди нам огражде́ние кре́пкое и ору́жие, враги́ прогоня́ющее, да не возра́дуются хотя́щие нам зла́я. Такова́го у́бо благодарова́ннаго помо́щника и засту́пника иму́ще, в весе́лии вопи́ем ти такова́я:

Ра́дуйся, па́ствы твоея́ до́брый первостоя́телю;  
ра́дуйся, сумня́щихся кре́пкое в ве́ре утвержде́ние.

Ра́дуйся, зло́бу власте́й преде́ржащих кро́тко претерпе́вый;

ра́дуйся, и́стину небо́язненно им веща́вый.

Ра́дуйся, гоне́ния и притесне́ния пра́вды ра́ди смире́нно прие́мый;

ра́дуйся, в до́мех благочесті́вых чад твои́х приста́нище име́вый.

Ра́дуйся, я́ко тобо́ю от всех зол избавля́емся;  
ра́дуйся, я́ко твои́ми моли́твами ре́вности в правосла́вней ве́ре исполня́емся.

Ра́дуйся, я́ко тобо́ю и́стина утвержда́ется;  
ра́дуйся, я́ко тобо́ю лицепрі́ятіе и человекоуго́дие посрамля́ется.

Ра́дуйся, я́ко пресе́кл еси́ злочесті́вых волне́ние;

ра́дуйся, лю́дем пе́нзенским и са́ра́товским  
похва́ление.

Ра́дуйся, святи́телю о́тче Иннокéнтие, те́плый  
моли́твенниче о душа́х на́ших.

### **Кондак 11**

Пе́ние похва́льное прино́сим тебе́, святи́телю  
о́тче Иннокéнтие, и смире́нно про́сим тя: моли́ о  
нас Человеколю́бца Бо́га, да не отврати́т лица́  
Своего́ от нас, при́сно согреша́ющих и бла́гость  
Его́ на всяк час преогорчева́ющих, но да  
изба́вит нас от грехо́в и прегреше́ний на́ших,  
наипа́че же сподо́бит в час кончи́ны на́шей  
покая́ния и Божéственных Та́ин прича́стия, да с  
тобо́ю в Небе́сных оби́телех воспоём Бо́гу:  
Аллилу́иа.

### **Икос 11**

Свети́льник, во тьме́ неве́рия седы́щих  
просвеща́й, был еси в земне́м жити́и твоём,  
о́тче наш Иннокéнтие. Просвети́ у́бо моли́твами  
твои́ми и нас, в пучи́не греха́ погиба́ющих, да  
благодарне́ вопие́м тебе́ си́це:

Ра́дуйся, смире́ния и терпе́ния наста́вниче  
наш премудры́й;

ра́дуйся, в моли́твах и бде́ниях учи́телю наш  
предо́брый.

Ра́дуйся, я́ко от суесло́вия и суему́дрия нас  
отвраща́еши;

ра́дуйся, я́ко в добродётели нас наставля́еши.

Ра́дуйся, я́ко в суете́ мирсте́й и попече́ниях  
жите́йских погрязшим путь в Го́рняя указу́еши;

ра́дуйся, я́ко обременённых греха́ми и  
скорб́ями мно́гими, никогда́же оставля́еши.

Ра́дуйся, и́стинный учени́че Христо́в, всех  
сы́рых возлюбивый;

ра́дуйся, го́рдых и жестоковы́йных смири́вый.

Ра́дуйся, я́ко всех почита́ющих тя от напа́стей  
и зол сохраня́еши;

ра́дуйся, я́ко всех скорб́ящих и боле́знующих,  
к заступле́нию твоemú притека́ющих, утеша́еши.

Ра́дуйся, свети́льниче, нас потемнённых  
грехми́ любви́ю освеща́й;

ра́дуйся, ми́ро, нас беззако́нии смра́дными  
осквернённых, облагоуха́й.

Ра́дуйся, святите́лю о́тче Иннокенти́е, тёплый  
моли́твенниче о душа́х на́ших.

## Кондак 12

Благода́ти сосу́д избра́нный был еси́,  
святите́лю о́тче Иннокенти́е; те́мже  
восхваля́юще тя усер́дно, мо́лим: проле́й те́плую  
моли́тву ко Госпо́ду за Оте́чество на́ше, да  
изба́вимся от наше́ствия иноплеме́нных и  
междоусо́бных бра́ней, да́ в ми́ре и ти́шинé  
воспоём Христу́ Бо́гу: Аллилу́иа.

## Икос 12

Пою́ще сла́вное твоё к Небе́сным оби́телем  
восхожде́ние, святите́лю о́тче Иннокенти́е,  
прославля́ем равноа́нгельное жити́е твоё и во  
умилéнии се́рдца сла́вим, хва́лим и велича́ем  
возвели́чившаго тя Го́спода, дарова́вшего нам  
но́ваго моли́твенника и предста́теля, Егóже  
умоли́ спаст́ися всем, пою́щим ти такова́я:

Ра́дуйся, жити́ем чи́стым А́нгелов удиви́вый;  
ра́дуйся, по́двиги твои́ми челове́ков  
наста́вивый.

Ра́дуйся, нището́ю духо́вною сокро́вище  
Ца́рствия Бо́жия обреты́й;

ра́дуйся, пла́чем и скорб́ями вре́менными  
утешéния вéчнаго сподо́бивыйся.

Ра́дуйся, крѣ́постию зѣ́млю пра́ведных  
насле́дивый;

ра́дуйся, пра́вды на землѣ́ взыска́вый, на  
Небесе́х же пра́вдою Бо́жиею насыще́нный

Ра́дуйся, ми́лостию и нищелю́бием ми́лость  
вѣ́лию от Го́спода стяжа́вый;

ра́дуйся, о́чи серде́чныя от скве́рны греха́  
очи́стивый и Бо́га узре́вый.

Ра́дуйся, поноше́ния и непра́ведная гоне́ния  
Христа́ ра́ди претерпе́вый;

ра́дуйся, изгна́нный пра́вды ра́ди и в  
Небе́сныя оби́тели со сла́вою вше́дый.

Ра́дуйся, миротво́рче, сы́ном Бо́жиим  
нарече́нный;

ра́дуйся, мзду́ мно́гу на Небесе́х прие́мый.

Ра́дуйся, святите́лю о́тче Иннокѣ́нтие, те́плый  
моли́твенниче о душа́х на́ших.

### **Кондак 13**

О, пресла́вный святите́лю Христо́в  
Иннокѣ́нтие! Приими́ от нас си́е ма́лое моле́ние,  
в похвалу́ тебе́ приноси́мое, и изба́ви нас  
предста́тельством твои́м от бе́д и скорбе́й, да в  
жити́и сем вре́меннем сетей вра́жиих и прѣ́лести  
бесѡ́вскія изба́вльшеся, возду́шная мыта́рства

непреткновѣнно пройдем и в Небѣсный Иерусалим вселитися сподобимся, идеже с тобою Всеблагому Богу нашему воспоѣм: Аллилуиа.

### **Молитва**

О, святче Божий, святителю Христов Иннокентие, призри от славы твоея горния и прими молитвы нас, грешных и недостойных рабов твоих, zde пред образом твоим честным [или: святыми мощами твоими] припадающих и тепле умоляющих тя, и принеси их ко Престолу вся содержащаго в руке Своей Бога, Ему же ты добре послужил еси во дни земнаго жития твоего. Умоли, угодниче Божий, Всемилостиваго Спаса Христа за богоданную твою паству, ты возлюбившую, да отженет от земнаго отечества твоего вся соблазны, раздоры, нестроения. Церковь Христову и град наш огради святыми твоими молитвами от расколов, прельщения иновѣрием и наветов злых человек. Всех же нас в единомыслии и любви друг ко другу соблюди, да едиными усты и единым сердцем воспоѣм всесвятое и единоедержавное Имя Отца, и Сына, и Святаго Духа во веки веков. Аминь.